



Boletín N° 31. Sábado, 7 de febrero de 1998

- III. ADMINISTRACIÓN LOCAL - III.2 MUNICIPAL - PORTO DO SON

ANUNCIO Pág. 841 Reg. 1454-PD / 1425. Parte 2 de 2

[Anterior](#)

[Siguiente](#)

Reglamento municipal general de subvenciones dirigidas a entidades deportivas, turísticas e individuales para actividades e inversiones.

Aprobada definitivamente a creación do reglamento que de seguido se detalla, posto que non se produciron reclamacións contra o mesmo, publícase integralmente segundo o acordo adoptado polo Pleno do Concello en sesión ordinaria celebrada o día 28 de novembro de 1997.

REGULAMENTO:

**1.-REGULAMENTO MUNICIPAL XERAL DE SUBVENCIÓNS DIRIXIDOS A ENTIDADES DEPORTIVAS, TURÍSTICAS E INDIVIDUAIS PARA ACTIVIDADES E INVESTIMENTOS.**

**Artigo 1.-Finalidade e obxecto.**

A Administración local, de acordo cos estatutos que rexen a mesma, está capacitada para o desenvolvemento daquelas competencias e obrigas que no ámbito deportivo, turístico e lexislación vixente atribúe ás entidades locais, entre as que se atopa a concesión de subvencions a persoas físicas ou xurídicas en orde ó fomento e promoción das distintas actividades turísticas e deportivas.

Non poderán seren obxecto de axuda na presente convocatoria as actividades ou investimentos subvencionados, no mesmo exercicio, a través doutras convocatorias de subvencións ou planos municipais.

As subvencións outorgadas poderán formalizarse en documento administrativo, que en todo caso recollerá as condicións contidas nas presentes bases.

## **Artigo 2.-Solicitantes.**

Poderán optar a esta convocatoria:

A.-As entidades xuridicamente constituídas que cumpran os seguinte requisitos:

- 1) Carecer de fins de lucro.
- 2) Desenvolve-las súas actividades no ámbito municipal.

As peticións de turismo e deporte que teñan por obxecto a conservación e reparación do patrimonio cultural e a promoción de congresos e exposicións, poderán ser solicitadas por comunidades veciñais, comités organizadores e persoas físicas, sempre que cumpran os requisitos sinalados nos apartados 1 e 2 do punto anterior.

B.-Os deportistas da localidade para actividades deportivas puntuais de carácter nacional e internacional.

## **Artigo 3.-Documentación.**

As solicitudes de subvención deberán formularse nos modelos normalizados que se facilitarán no rexistro xeral. Achegarase tamén a seguinte documentación:

- a) Fotocopia compulsada da tarxeta do CIF da entidade.
- b) Fotocopia compulsada dos estatutos da entidade.
- c) Certificación dos datos bancarios.
- d) Fotocopia compulsada da tarxeta do NIF do representante.
- e) Certificación acreditativa do acordo de solicitude e do nomeamento do representante para as súas relacóns co Concello.
- f) Declaración do representante de non estar incurso en causas de incompatibilidade ou incapacidade para contratar e percibir subvencións da Administración Pública e de aceptación das bases da convocatoria.
- g) Memoria explicativa da actividade ou investimento que se vai realizar, que fará mención ás persoas beneficiadas directa ou indirectamente pola axuda e ó calendario fixado.

h) Presuposto detallado da actividade ou da obra, con expresión dos gastos e ingresos previstos.

i) No caso de comités organizadores, ademais axuntarase prego de sinaturas dos seus integrantes.

j) As entidades prestadoras de servicios sociais, a maiores, farán indicación do seu número de inscrición no rexistro da Xunta de Galicia.

A documentación sinalada nos apartados a), b), c) e d) non terá que ser presentada se xa se presentou en anos anteriores e non houbo variación nela.

O defecto, erro ou ausencia na presentación da documentación á que se refire este apartado deberá ser emendado no prazo de dez días dende a recepción do requerimento.

#### **Artigo 4.-Lugar e prazo de presentación de solicitudes.**

As solicitudes presentaranse no rexistro xeral do Concello, dende o día 15 do 2 ata o día 15 do 6 do ano que andamos.

#### **Artigo 5.-Concesión.**

A concesión de cada un dos programas de subvención realizarase mediante resolución da comisión de goberno, a proposta motivada da comisión de turismo e deporte.

A selección das peticionés e a contía das subvencións determinarase unha vez considerada a adecuación das actividades e investimentos que se van realizar ás finalidades desta convocatoria, ponderando as seguintes circunstancias:

- A coordinación e complementariedade cos programas desenvolvidos polo Concello nas materias ou actividades subvencionadas.
- A contribución a vertebración da estructura turística, deportiva e lúdico-recreativa do Concello.
- O carácter periódico e permanente das actividades subvencionadas. Número de beneficiarios.

A contía da subvención poderá acada-lo total do custo das actividades ou investimento obxecto da petición.

A resolución de concesión motivada deberá ser notificada ó interesado de forma fidedigna. A falta de resolución expresa das solicitudes, por parte do Concello, producirá efectos desestimatorios transcorridos tres meses. Contra a desestimación expresa ou presunta das solicitudes presentadas, poderán formularse os recursos que procedan.

#### **Artigo 6.-Xustificación e pagamento.**

6.1.-As subvencións concedidas aboaranse tralo cumprimento dos requisitos que de seguido se relacionan, por parte das entidades beneficiarias:

a) Estar ó día das súas obrigas fiscais co Concello de Porto do Son (art. 170.2, Lei 39/1988, reguladora das Facendas Locais), situación que determinará de oficio o propio Concello, a través do Servicio de Recadación.

b) Acredita-lo cumprimento da finalidade para a que se concedeu a subvención mediante a presentación da seguinte documentación xustificativa dos gastos realizados:

b.1) As subvencións que teñan por finalidade a realización de actividades de calquera natureza que xeren gastos correntes xustificaranse mediante facturas orixinais de gasto ou as súas fotocopias compulsadas.

b.2) As subvencións que teñan por finalidade a realización de proxectos de calquera natureza que xeren gastos de investimento, xustificaranse axuntando os seguintes documentos:

b.2.1) Adquisición de bens de equipo: facturas orixinais ou fotocopias compulsadas.

b.2.2) Adquisición de bens inmobilés: fotocopia compulsada da escritura pública.

b.2.3) Execución de obras:

Se as obras se executan por administración: facturas orixinais ou compulsadas expedidas polos distintos provedores, ou certificación de obra e relación valorada asinada por técnico colexiado competente. Neste caso, a certificación limitarase ó importe da execución material.

Se as obras se executan por contrata: facturas orixinais ou compulsadas expedidas polo constructor e certificación de obra e relación valorada asinada por técnico colexiado competente. Neste caso, a certificación poderá conte-los gastos xerais, beneficio industrial e IVE.

c) Presentar certificación de ter cumplida a finalidade da subvención mediante a realización das actividades ou investimentos para os que foi concedida.

Para o pagamento da subvención concedida será requisito inescusable que os conceptos dos xustificantes de gastos se axusten á finalidade para a que foi concedida a subvención.

Non obstante, con carácter excepcional, despois da solicitude razoada do beneficiario da subvención, no prazo previsto no apartado 6.3, poderá autorizarse o cambio dos conceptos ou obxectivos concretos que se detallan na memoria ou presuposto da solicitude, sempre coa limitación sinalada no parágrafo anterior.

d) Achegar relación detallada das subvencións ou axudas obtidas doutras administracións públicas ou entidades privadas para a mesma finalidade ou, pola contra, declaración de non ter outras subvencións públicas ou privadas para a mesma finalidade.

6.2.-En vista da documentación xustificativa presentada, o órgano competente valorará o cumprimento das actividades ou investimentos subvencionados.

Se se acredita no expediente que a finalidade básica da subvención foi cumplida, a unidade xestora poderá propo-lo mantemento, sen reducción, do importe inicialmente concedido, pero en calquera caso os gastos xustificados deberán acada-lo importe da subvención outorgada polo Concello ou, se é o caso, o importe das obtidas en concordancia con outras Administracións públicas ou entidades privadas.

De non se cumplir este requisito dentro do prazo sinalado no apartado 6.3, o importe da axuda reducirase proporcionalmente.

O aboamento da subvención materializarase mediante ingreso na conta da entidade financeira sinalada polo beneficiario na documentación achegada.

6.3.-A documentación acreditativa da realización das actividades ou investimentos será presentada no rexistro xeral do Concello no prazo de seis meses contados a partir da data de notificación da concesión da subvención, se ben poderá ampliarse por solicitude do interesado ou a proposta da unidade xestora, dentro do prazo xeral de xustificación. En calquera caso, a data límite para a xustificación non poderá exceder do 30 de setembro do ano seguinte.

6.4.-Vencidos os prazos e prórrogas sinalados no apartado 6.3 sen que o beneficiario da subvención teña xustificado o cumprimento da finalidade que motivou o seu outorgamento, perderá o seu dereito a esixila e a Presidencia, a proposta da unidade xestora, procederá a anula-lo correspondente compromiso. A resolución será notificada ó interesado e á Intervención para o seu reflexo contable.

Toda alteración das condicións tidas en conta para a concesión da subvención, e en todo caso a obtención concorrente de subvención doutras administracións públicas ou entidades privadas, poderá dar lugar á modificación da resolución da concesión. Polo tanto, o importe das subvencións concedidas, en ningún caso, poderá ser de tal contía que, en concordancia con subvencións ou axudas doutras administracións públicas ou entidades privadas, supere o custo da actividade que desenvolverá o beneficiario.

O beneficiario queda obrigado a facilitar canta información lle sexa requirida polo Concello e sométese ás responsabilidades e réxime sancionador establecido na Lei Xeral Presupostaria e, de se-lo caso, ó disposto no Código Penal.

## **Artigo 7.-Difusión e normalización lingüística.**

A entidade ou persoa receptora está obrigada, a risco de anulación da subvención concedida e reintegro da cantidade librada, a facer mención explícita en toda publicidade referida ás actividades obxecto da subvención de que estas contan con subvención do Concello de Porto do Son. No ámbito concreto da reproducción gráfica (cartelería, díptico, programas, etc.), de xeito perfectamente flexible e gardando o decoro e respecto pertinente, fará consta-lo lema: "Subvencionado pola Concellería de Turismo e Deporte" enriba do que se disporá o escudo oficial do Ilmo. Concello de Porto do Son (o que, para os efectos de reproducción gráfica, será facilitado polo Concello). En emisións radiofónicas, comunicados de prensa, comunicacións a socios, etc., tamén se

fará constar explicitamente a calidade da actividade ou programa subvencionado pola Concellería de Turismo e Deportes.

Así mesmo, de cara á normalización da lingua propia de Galicia, e tamén a risco de anulación da subvención e reintegro do ingresado, a entidade beneficiaria estará obrigada ó uso da lingua galega en calquera ámbito ou medio de publicación das actividades ou programas obxecto da subvención. Rematada a actividade obxecto de subvención, deberán presentarse exemplares de canta publicidade escrita, gráfica, visual ou sonora, onde conste o patrocinio do Concello.

#### **Disposición adicional primeira.**

Con carácter xeral admitiranse fotocopias sempre que veñan compulsadas:

- Polo Concello de Porto do Son.
- Diante de notario.
- Pola Deputación da Coruña.
- Polos concellos, cando se refiran a expedientes de entidades do seu término municipal.

#### **Disposición adicional segunda.**

Para o non previsto nesta convocatoria serán de aplicación as normas incluídas nas bases de execución do presupuesto xeral do Concello para o exercicio corrente.

#### **Disposición adicional terceira.**

A presente convocatoria tramítase como expediente anticipado de gasto referido ó presupuesto do Concello para 1998. Polo tanto, a súa aprobación queda condicionada á definitiva entrada en vigor do presupuesto no que se conteña o crédito adecuado e suficiente para atende-las súas finalidades, sen que, en ningún caso, poida realizarse autorización de gasto con anterioridade ó devandito trámite.

O presente regulamento, sendo a súa redacción definitiva aprobada polo Pleno da corporación en sesión ordinaria celebrada o día vinteotto de novembro de 1997, entrará en vigor o día da publicación no Boletín Oficial da Provincia, do presupuesto deste Concello para 1998 e permanerán en vigor ata que o Concello acorde a súa modificación ou derogación expresa.

Porto do Son, 27 de xaneiro de 1998.

O alcalde, Ramón Quintáns Vila.

- IV. ADMINISTRACIÓN LOCAL - IV.2 MUNICIPAL - PORTO DO SON

ANUNCIO Pág. 12834 Reg. 14728-0.

Anterior

Siguiente

Aprobación definitiva de diversas ordenanzas

O Pleno do Concello de Porto do Son, en sesión ordinaria celebrada polo Pleno municipal o día 19 de novembro de 2004, acordou aprobar provisionalmente o establecemento e modificación das ordenanzas que de seguido se relacionan. Unha vez expostas ao público polo período de trinta días mediante anuncio publicado no Boletín Oficial da Provincia número 273, de 26 de novembro de 2004, sen que durante o referido período houbese reclamacións, elévanse a definitivos os referidos acordos, e procédese á publicación do seu texto íntegro, de acordo co disposto no artigo 17.4 do RD lex. 2/2004, de 5 de marzo, polo que se aproba o Texto Refundido da Lei Reguladora de Facendas Locais.

**MODIFICACIÓN DO REGULAMENTO MUNICIPAL XERAL DE SUBVENCIÓNS A ENTIDADES DEPORTIVAS, TURÍSTICAS E INDIVIDUAIS PARA ACTIVIDADES E INVESTIMENTOS**

**Modifícanse os artigos que a continuación se relacionan:**

**"Artigo 5.-Concesión.**

A concesión de cada un dos programas de subvención realizarase mediante resolución da Xunta de Goberno Local, a proposta motivada da Comisión de Turismo e Deporte.

A selección das peticóns e a contía das subvencións determinarase unha vez considerada a adecuación das actividades e investimentos que se van realizar ás finalidades desta convocatoria, ponderando as seguintes circunstancias:

- Darase preferencia á promoción do deporte base, entendéndose por tal a práctica deportiva realizada ata idade de 18 anos. Os investimentos destinados ao deporte tamén gozarán de preferencia.
- A coordinación e complementariedade cos programas desenvolvidos polo Concello nas materias ou actividades subvencionadas.
- A contribución á vertebración da estructura turística, deportiva e lúdico-recreativa do Concello.
- O carácter periódico e permanente das actividades subvencionadas.

- Número persoas empadroadas no Concello que forman parte da entidade, e que participan nas actividades organizadas pola mesma.
- No caso de clubes número de fichas e categorías que abarca o mesmo, tendo en conta o número de deportistas empadroados no Concello.
- Número de actividades organizadas pola entidade, e numero de beneficiados directa e indirectamente polas actividades e/ou investimentos.
- Interese deportivo, social e turístico das actividades a realizar.
- O coeficiente de financiamento das actividades e/ou investimentos que se van a realizar.
- A memoria de actividades no ano anterior, na que deberá que especificar clasificacións, resultados, actividades desenroladas ao longo do último ano, outras subvencións recibidas para desenvolver as mesmas ademais das do Concello, previsión de actividades para o vindeiro ano.

A resolución de concesión motivada deberá ser notificada ao interesado de forma fideligna. A falta de resolución expresa das solicitudes, por parte do Concello, producirá efectos desestimatorios transcorridos tres meses desde a finalización do prazo para presentación de solicitudes. Contra a desestimación expresa ou presunta das solicitudes presentadas, poderán formular os recursos que procedan."

**No artigo 6, a letra a do numero 1 quedaría da seguinte forma:**

"a) Estar ó día das súas obrigas fiscais co Concello de Porto do Son (art. 189.2 do RDLexislativo 2/2004, de 5 de marzo, Texto Refundido da Lei Reguladora de Facendas Locais), situación que se determinará de oficio o propio Concello, a través do servicio de Recadación"

**Disposición final.**

"A presente modificación do do Regulamento Xeral Municipal de Subvencións dirixidos a entidades deportivas, turísticas e individuais, para actividades e Investimentos, entrará en vigor o día seguinte da sua publicación no Boletín Oficial da Provincia, permanecendo en vigor ata a súa modificación ou derogación expresa."